

الديك

(شعر شعبي)

أنا ياديك قبل الضو صاحي
القلق بوابة الأفكار داحي
كلما غفيت عيوني ثواني
الفكر يلف عالاربع نواحي
وكلما طيف أحبابي أجاني
بيشرق من غسق ليلي صباحي
أنا ليلي صباحي الاولاني
يللي بعتمتو الشعاع ماحي
وصباح الناس عندي صبح ثاني
لأني بعيد عن اغلا الضواحي
ضواحي جنوب لبنان المعاني

من القصف والقتل الأباحي
من طيار على الأطفال جاني
على الأهل وعلى زهور الأقاحي
المقاوم بالمهج صان الأماني
وصرخ يادهر لا تنسى كفاحي
أنا نسر وشموخ بعنفواني
على بلادي عم يرترف جناحي
أنا مجد العرب والدين باني
الشقائق سارقة صبغة وشاحي
يا إسرائيل لو هدمتي المباني
أنا رح ضلني معانق سلاحي
إذا شربتني من الخمرة قناني
أنا من دمك بعبي قداحي
وناري بتحرق رموز الخياني
ورح تزيد اللظى قوة رياحي

وأنا ياديك مش ضد الغنائي
وصياحك من نعمة صياحي
لكن وضع هل الأمة كواني
أنت بتصيح تيفيقو يصلوا
وأنا عم صيح تيغفوا جراحي